

**Sud Bosne i Hercegovine**
Суд Босне и Херцеговине

Broj: S1 3 P 038103 20 Iž
Sarajevo, 26.10.2020. godine

Sud Bosne i Hercegovine, u drugostepenom vijeću sastavljenom od sudija Dinke Bešlagić Čovrk kao predsjednika vijeća, Vesne Trifunović i Srete Crnjaka kao članova vijeća, odlučujući o žalbi Željka Stipića iz Posušja Vir bb, koji osporavaju odluku Centralne izborne komisije BiH broj 05-1-07-1-998/20 od 01.10.2020. godine o odbijanju upisa u izvod iz Centralnog biračkog spiska za glasanje izvan Bosne i Hercegovine za Lokalne izbore 2020. godine, u nejavnoj sjednici, održanoj dana 26.10.2020. godine, donio je

R J E Š E N J E

Žalba se odbija.

O b r a z l o Ź e n j e

Odlukom Centralne izborne komisije Bosne i Hercegovine broj i datum navedeni u uvodu, odbijen je upis u izvod iz Centralnog biračkog spiska za glasanje izvan Bosne i Hercegovine za Lokalne izbore 2020 .godine po podnesenim prijavama do 01.09.2020.godine jer nisu ispunjeni uslovi propisani odredbom člana 3.15 stav 1, 2 i 3 Izbornog zakona Bosne i Hercegovine.

Navedenom odlukom odbijena je prijava Željka Stipića koji je blagovremeno izjavio žalbu u kojoj je naveo da je podnio prijavu na propisanom obrascu uz koju je dostavio kopiju lične karte, a ne nalazi s ena spiku za glasanje iz inostranstva. Predlaže da s e žalba uvaži.

Centralna izborna komisija Bosne i Hercegovine dostavila je ovom sudu odgovor na žalbu u kojem je predložila da se izjavljena žalba odbije kao neosnovana jer je žalitelj nisu predao nečitak obrazac prijave i lične karte, pa se iz prijave nisu mogli utvrditi podaci o tačnoj adresi boravka izvan BiH i opcija glasanja.

Ispitujući pobijanu odluku u okviru žalbenih navoda vijeće Apelacionog odjeljenja Suda Bosne i Hercegovine je zaključilo da žalba nije osnovana.

Pravilna je i zakonita odluka Centralne izborne komisije BiH kojom je odbijena prijava žalitelja za upis u izvod iz Centralnog biračkog spisa za glasanje izvan Bosne i Hercegovine jer imenovani nije predao čitku prijavu i čitku fotokopiju identifikacionog dokumenta. Uvidom iz prijavu utvrđeno je da je žalitelj dostavio smanjeni format obrasca prijave i nečitku fotokopiju lične karte u tolikoj mjeri da se ne može razaznati ni jedan podatak koji sadrže.

Time prijava žalitelja nije sačinjena u skladu sa članom 3.15 stav 1 Izbornog zakona BiH jer ne sadrže podatke o adresi u inostranstvu na koju treba da se dostavi glasački materijal. Budući da prijava ne ispunjava uslove propisane u citiranoj odredbi to nije bilo zakonskog osnova da se žalitelj upišu u izvod u Centralni birački spisak za glasanje van BiH, kako je to propisano članom 3.15 stav 6 Izbornog zakona BiH.

Predmetna odluka donesena je na osnovu podataka iz prijave zaprimljene do isteka propisanog roka za podnošenje, pa prijava i kopija lične karte dostavljeni uz žalbu nemaju uticaja. Nadalje, predmetnom odlukom žaliteljima nije uskraćeno biračko pravo jer se, shodno odredbi člana 3.16 stav 2 citiranog zakona, nalazi u izvodu iz Centralnog biračkog spiska za glasanje u osnovnoj izornoj jedinici u kojoj ima prebivalište u Bosni i Hercegovini.

S obzirom na navedeno, po ocjeni ovog vijeća, pobijana odluka Centralne izborne komisije Bosne i Hercegovine je pravilna i zakonita a žalba neosnovana pa je istu, primjenom odredbe člana 81. stav 1. Zakona o upravnim sporovima Bosne i Hercegovine (Sl. glasnik BiH br. 19/02 do 74/10) valjalo odbiti.

**PREDSJEDNIK VIJEĆA
S U D I J A**

Dinka Bešlagić Čovrk